

Šta je profesionalna rehabilitacija?


Niste više u mogućnosti da radite na svom prethodnom poslu nakon nesreće ili bolesti?

Pokušajte ponovo! Tokom profesionalne rehabilitacije pratimo vas u povratku u profesionalni život. Razvijte s nama svoje sposobnosti i snage za novi posao!

Profesionalna rehabilitacija je za vas besplatna, a finansiraju je npr. AMS, PVA, AUVA ili SVS. Tokom profesionalne rehabilitacije dobit ćete i novac za svoje životne troškove.

Kod nas ste na pravom mjestu

Mi u Centru za stručno osposobljavanje i rehabilitaciju (BBRZ) na inovativan i individualan način pratimo ljude u njihovoj profesionalnoj budućnosti. Ovaj zadatak na inspiriše već preko 40 godina.




◀▶ **BBRZ** – Tu smo za vas u cijeloj Austriji!

Kome je namijenjena profesionalna rehabilitacija?

Profesionalna rehabilitacija je namijenjena **za nezaposlene osobe svih starosnih dobi**, koje zbog fizičkih, psihičkih ili drugih problema nisu više u mogućnosti da obavljaju svoj prvobitni posao.

U profesionalnoj rehabilitaciji vodimo računa o

- ▶ **vašim dosadašnjim profesionalnim iskustvima,**
- ▶ **vašim ličnim potrebama i opterećenjima,**
- ▶ **vašim interesovanjima i idejama u vezi sa vašom profesionalnom budućnošću.**



Gerald Graf,
stručni voditelj,
BBRZ Linz

Naša ponuda je namijenjena vama

Cilj je da nađete pravi posao i budete u mogućnosti da ga radite stalno.

Nekim našim klijentima za to je potrebno socijalno savjetovanje ili psihološka pomoć, drugima posebna obuka, npr. kurs kompjutera, a nekima i potpuno novi trening.



Birajte sopstveni put!

Na početku svoje profesionalne rehabilitacije, sa nama razrađujete koji je put pravi za vas. U tome vas prati naš stručni tim iskusnih trenera, ljekara, socijalnih radnika i psihologa. I obavljanje prakse u kompanijama pomaže vam u preorijentaciji.



Naš sveobuhvatni paket za vas

Profesionalna rehabilitacija se ne odnosi samo na vaš novi posao, već i na vaše zdravlje. Posebne ponude stvaraju ravnotežu i pomažu vam da podstičete svoje fizičko i mentalno zdravlje.



Ovako postajete spremni za novi posao

Čak i tokom profesionalne rehabilitacije vodimo računa da sadržaj bude prenošen na praktičan način. Stručnjaci BBRZ-a vam također pružaju podršku u svim temama koje se odnose na vašu prijavu i započinjanje posla. Tokom prakse možete upoznati nova područja rada.



Kako da dođete na profesionalnu rehabilitaciju?

Najbolje je da nazovete naš besplatni broj telefona **0800 206 400**.



Susanne Beck,
rehabilitacijski trener,
BBRZ Beč

Kontaktirajte nas besplatno:

0800 206 400

PON–ČET 09:00–15:00 H PET 09:00–12:00 H

info@bbrz.at bbrz.at



Uz finansijsku podršku od strane:



Impresum: BBRZ Reha GmbH, 4020 Linz. Štampa: druck.at, 2544 Wr. Neudorf.

Fotocredits: www.harry-pinter.com (str. 1, 3, 5, 8), AW Architekten/György Palkó (str. 6), Syntakt (str. 10). Uredivanje i dizajn: Syntakt.

U 4 koraka do vaše profesionalne budućnosti

- 1 **Napravite prvi korak: Prijavite se na naš broj telefona 0800 206 400.**
- 2 **Ako su ispunjeni svi uslovi, podnesite zahtjev za profesionalnu rehabilitaciju.**
- 3 **Partneri koji financiraju ovaj projekt provjeravaju, da li će preuzeti troškove vaše profesionalne rehabilitacije. Pri tome uzimaju u obzir medicinske i pravne aspekte.**
- 4 **Ako je odluka pozitivna, možete početi s profesionalnom rehabilitacijom. Mi iz BBRZ ćemo vas kontaktirati ... i to je početak vaše profesionalne budućnosti!**

Besplatan BBRZ telefon
0800 206 400

PON—ČET 09:00—15:00 H PET 09:00—12:00 H

Šta vama lično donosi profesionalna rehabilitacija?

- ▶ **Novi izgledi za posao**
- ▶ **Visoke zdravstvene kompetencije**
- ▶ **Veća efikasnost**
- ▶ **Savršena priprema za vaš novi posao**
- ▶ **Veći prihod**

Godišnji prihoda od zaposlenja naših apsolvata je prosečno 8.089 € veći nego godinu prije profesionalne rehabilitacije.*



Renata Keburovic,
komercijalista,
BBRZ Götztis

* Rezultat analize kompanije
Synthesis Forschung GmbH,
februar 2020.

Primjer uspješne rehabilitacije

Nesreća je dala životu gospodina H. novi pravac

Gospodin H. je radio u prodaji više od 20 godina, uključujući i upravljanje prodajom. Puno je putovao i pratio je velike kupce. Ali ozbiljna nesreća promijenila mu je karijeru.

Iznenada je sve bilo drugačije

Kada se nakon dugog bolovanja vratio u svoju staru firmu, tamo više ništa nije bilo kao prije. Smanjen tim, novi zahtjevi, ekstremni pritisak - u jednom trenutku gospodin H. više nije mogao nastaviti.

Nove perspektive

Nakon sporazumnog raskida radnog odnosa, otišao je u AMS, gdje mu je savjetnik predložio profesionalnu rehabilitaciju. Gospodin H. nikada ranije nije čuo za ovo i, prema vlastitim riječima, nadao se da će prijedlog biti "nešto pametno". Danas kaže: "BBRZ i profesionalna rehabilitacija su fantastična stvar!"

Lična inicijativa

Prilikom profesionalne preorijentacije u BBRZ, gospodin H. unosi svoje ideje. Njegov novi posao trebao bi imati veze s tehnikom i biti raznolik. Sada je bila potrebna sopstvena inicijativa.



Praksa potrebna za orijentaciju, koju je sam mogao da organizuje, dovela ga je u kompaniju za upravljanje zgradama i objektima. Ubrzo je shvatio da ga tamo čeka pravi posao: davanje naloga i nadzor popravki, tehničko održavanje zgrada, pribavljanje ponuda, lični kontakt sa stanarima i još mnogo toga.

Prava kombinacija za pravi posao

Njegovo profesionalno iskustvo i formalno komercijalno obrazovanje bili su prednost u različitim zadacima, ali i njegove komunikacijske vještine i njegova posvećena ličnost. Kompanija je to brzo prepoznala i pristala da primi gospodina H. u radni odnos.

Individualna kvalifikacija

Odlučujući faktor je bila mogućnost obuke po mjeri u BBRZ-u. Kompanija u kojoj je obavljao praktičnu obuku bila je u mogućnosti da pruži gospodinu H. kvalifikacije po svojoj želji, i to bez ikakvih troškova za kompaniju. tako je gospodin H. prošao specifične obuke i kurseve za svoj novi posao: između ostalog seminar iz elektrotehnike i kurs za službenike zaštite od požara.

Došao je da ostane

Danas je gospodin H. cijenjeni dio tima u kompaniji, sa raznolikim i rastućim područjem odgovornosti. Sretan je što je dobio ovu priliku u svojim srednjim 50-im i što je objema nogama čvrsto stao u svoj novi profesionalni život.

“

BBRZ je nešto što ne očekujete unaprijed. Postoji toliko mnogo mogućnosti u BBRZ-u. A troškovi su plaćeni.

Gospodin H.

”

Vaš posao je naš posao!

Novi izgledi za posao za ljude sa zdravstvenim problemima

